

**Uunga siunnersuut: Aningaasarsianit akileraarutit pillugit Inatsisartut inatsisaata
allanngortinneqarneranik Inatsisartut inatsisaat nr. xx, xx. xxx 2019-imeersoq
*Aningaasaqarnermit Nunanilu Avannarlerni Suleqatigiinnermut Naalackersuisunit
saqqummiunneqartoq***

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneernejarneranut

ILASSUTITUT ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Hermann Berthelsen, Siumut, siulittaasoq
Inatsisartunut ilaasortaq Peter Olsen, Inuit Ataqtigiit, siulittaasup tullia
Inatsisartunut ilaasortaq Karl-Kristian Kruse, Siumut
Inatsisartunut ilaasortaq Henrik Fleischer, Siumut
Inatsisartunut ilaasortaq Múte B. Egede, Inuit Ataqtigiit
Inatsisartunut ilaasortaq Malene V. Rasmussen, Demokraatit
Inatsisartunut ilaasortaq Jens NapátôK', Partii Naleraq

**Immikkoortoq ataatsimiititaliap qinnuiginninneratigut aappassaaneerinninnermi
ataatsimiititaliamut innersuunneqaqippoq.**

Naalackersuisut allannguutissatut siunnersuummik saqqummiusseqqullugit
Aningaasaqarnermut Akileraartarnermullu Ataatsimiititaliap aappassaaneerinninnissamut
isumaliutissiissummini kaammattorpai. Ataatsimiititaliap kaammattuutaa erseqqinnerusumik
paasisaqarfigiumaneqarpat isumaliutissiissut pineqartoq innersuussutigineqarpoq.

Ataatsimiititaliap kaammattuutaa Naalackersuisunit malinneqarpoq, taamaalillutillu suliner
mut ilanngaatip qaammammoortumik tunniunneqartarnissaa pillugu inatsisikkut aalajangersakkat
kingusinnerusukkat atuutilertussanngorlugit allannguutissatut siunnersuummik
saqqummiussillutik. Ataatsimiititaliamilli aamma maluginiarneqarpoq aalajangersakkat
tunniusseriaatsimik, ilanngaatit ukiumut ataasiartumik tunniunneqartarnissaannik
imaqartumik, Naalackersuisunit saqqummiunneqaaqqaartumik atuutilersitsisunik
allannguutissatut siunnersuut imaqartoq.

Sulinermut ilanngaammik ukiumoortumik tunniussisarnermik atuutilersitsinerup sunniutissaatut Naalakkersuisunit oqaatigineqartut assut nalorninarartoqarnerannik ernummatiginninneq ataatsimiititaliap allannguutissatut siunnersuummik saqqummiussisoqarnissaanik kaammattuuteqarneranut aallaaviusut ataatsimiititaliamit oqaatigineqassaaq. Ernummatiginninneq taanna Aningaasaqarnermut Siunnersuisoqatigiit oqariartuutaannit taparserneqarpoq.

Iliusissatut kissaatinik aningaasartuutaasussanik saqqummiussisoqartillugu Inatsisartut kiisalu Inatsisartut Aningaasaqarnermut Akileraartarnermullu Ataatsimiititaliaat aningaasaqarnikkut akisussaassuseqannginnerarlugit Aningaasaqarnermut Naalakkersuisup arlaleriarluni avoqqaarlerfigisarsimagai ataatsimiititaliamit oqaatigineqassaaq. Taamaattumillu Aningaasaqarnermut Siunnersuisoqatigiit kaammattuutaat akimorlugu ukiumoortumik tunniussisarnermik aaqqissuussinerup atuutsinneqalernissaa Naalakkersuisunit piumasarineqarmat ataatsimiititaliamit tupigusuutigineqarpoq. Siunnersuutip sunniutissai pillugit Naalakkersuisut eqqoriaanerat eqqutissanngippat, Naalakkersuisut namminneq naatsorsuinerat aallaavigissagaanni, isertitassaraluanit annaasat ajornerpaaffimminniikkunik ukiumut 83.000.000 kr.-ioratarsinnaapput.


Paatsuungasoqaqqunagu ataatsimiititaliamit erseqqissarneqassaaq inatsisissatut siunnersuummut allannguutissatut siunnersuutitik marlunnik saqqummiussisoqareermat. Iluarsiissutitik pisariaqartunik allannguutissatut siunnersuutit taakku tamarnik imaqrput, taamaattumillu allannguutissatut siunnersuutit akuerineqassasut ataatsimiititaliamit inassutigineqarpoq.

Pingajussaaneerinninnissamulli allannguutissatut siunnersuummik allamik saqqummiussinissaannik Naalakkersuisunut kaammattuutertik ataatsimiititalimi amerlanerussuteqartut Siumumeersut, Inuit Ataqatigiinneersut Partii Naleqqameersullu aalajangiusimavaat, taamaaliornikkut qaammatikkaartumik tunniussisinnaaneq pisinnaalerpat sulinermut ilanngaat pillugu maleruagassat aatsaat atuutilersinneqarsinnaaqqullugit taamaalillunilu ukiumoortumik tunniussisarnermik ilusiliineq peerneqaaqqullugu.


Ataatsimiititaliap inassuteqaatai

Ataatsimiititaliap isumaqatigiittup Naalakkersuisut allannguutissatut siunnersuutaat **akuerineqassasoq** inassutigaa. Ataatsimiititaliami amerlanerussuteqartut allannguutissatut siunnersuummik allamik pingajussaaneerinninnissamut saqqummiussisoqarnissaa kaammattuutigimmassuk siunnersuut pingajussaaneerineqannginnermini ataatsimiititaliamit suliarineqartussanngorlugu innersuuteqqinneqassasoq ataatsimiititaliamit qinnutigineqarpoq.

Taama oqaaseqarluni isumaliutissiissummilu allassimasunik oqaaseqaateqarluni ataatsimiititaliap siunnersuut aappasaaniigassanngortippaa.



Hermann Berthelsen
Siulittaasoq



Peter Olsen
Siulittaasup tullia




Karl-Kristian Kruse



Henrik Fleischer



Malene V. Rasmussen



Jens Napaattoq



Múte Bourup Egede